

# *KHOKHO ABRAHAM*

INcwadzi yaGenesi futsi, sahluko sema 22, sicale ngelivesi le 15, futsi silindzele manje kukhuluma nje imizuzwana lembalwa bese ke sicala inkonzo. Genesi wema 22, sicale ngelivesi le 15.

*Nengelosi yeNKHOSI yamemeta Abrahama kwesibili iseziwlwini,*

*Futsi yatsi, Ngifungile Ngami lucobo, isho iNKHOSI ngenca yekutsi ukwentile loku, futsi wena awukaze ugodle indvodzana yakho, indvodzana yakho leyodvwa:*

*Kutsi ngesibusiso Ngitakubusisa, futsi ngekwandzisa ngitokwandzisa intalo yakho ibe ngangetinkhanyeti telizulu, nangangesihlabatsi elugwini lwelwandle; futsi intalo yakho itoncoba emasango esitsa sayo;*

*Nangentalo yakho tiyobusiswa tive tonkhe temhlabia; ngoba wena ulalele livi lami.*

<sup>2</sup> Setsembiso lesinje pho, ngenca yekulalela! Kulalela nguloko Nkulunkulu lakufunako. Kwake kwatsiwa, “Kulalela kuncono kunemhlatjelo.” Kulalela iNkhosi kuncono kumanoma ngumuphi umhlatjelo lobewungawenta.

<sup>3</sup> Sibhekene manje nesihloko lesikhulu, kusihlwa, *Khokho Abrahama*, lowabitwa nga “babe wekuKhola,” ngenca yekutsi Nkulunkulu wamentela setsembiso kutsi adle lifa lemhlaba, neNtalo yakhe. Futsi kunga Abrahama tsine, singulabafile kuKhristu, siba yiNtalo ya-Abrahama futsi sitindlalifa kanya naYe ngekwestsembiso.

<sup>4</sup> Manje, Abrahama bekangumunfu lojwayelekile nje, bekangesiyo intfo letsite lekhetskile. Nkulunkulu akazange sekambite, ngekutsi sibe nanoma ngubuphi bufakazi lobubhalwe phansi, waze waba neminyaka lengemashumi lasikhombisa nesihlanu budzala. Umkakhe, lobekangudzadzewabo langatalwa naye, aneminyaka lengemashumi lasitfupha nesihlanu budzala ngalesosikhatsi, bese bahleli ndzawonye cishe kusukela basebancane kakhu. Futsi bekayinyumba, futsi ete bantfwana. Nkulunkulu wabita kwehlukana lokuphelele, kutsi atehlukanise nalo lonkhe live, nakubo bonkhe bantfu bakubo, nakuto tonkhe tihlobo takhe. Kwakukhona intfo lekhetskile lebekafanele ayente.

<sup>5</sup> Futsi uma Nkulunkulu akubheke kutsi wente intfo lekhetskile, Uphocelela kwehlukana lokuphelele kumanoma kuphi kungabata. Ufanele ufiye ekulaleleni lokugcwele, kulalela loko Lakushoko. Nkulunkulu uyakuphocelela. Ungeke wakwenta ngalenyne indlela. Futsi, manje, Uhlala njalo

abeka sibonelo, naleso kwakusibonelo saKhe, sekwehlukana ngalokuphelele kuwo wonkhe umndeni wakubo, tonkhe tihlobo takhe, nakanjalonjalo, kutsi ahambe imphilo lehlukaniselwe Nkulunkulu.

<sup>6</sup> Kwendlula iminyaka, kwababete lokwentekako, kodvwa nomakunjalo Abrahama bekasolo abambelele. Akaphelanga emandla. “Akangabatanga ngetetsembiso taNkulunkulu ngekungakhola, kodvwa wacina, anika Nkulunkulu ludvumo.”

<sup>7</sup> Umnyaka ngemnyaka, lapho uchubeka, akungabateki kutsi bagceki labanengi bendlula base batsi, “Abrahama, babe wetive, sewunebantfwana labangakhi manje na?” Loko akumngabatisanga. Kungekho mntfwana, naSara besendlulile esikhatsini sekuphila, sekutala bantfwana, kusobala, sekendlule khashane ekuncamukeni kuya esikhatsini, kodvwa Abrahama bekasolo amkholwa Nkulunkulu ngalokufanako nje. Wenta emalungiselelo eluswane, ngoba bekati futsi bekaciniseke ngalokugcwele kutsi Nkulunkulu bekangeke ente setsembiso Lebekangesimkhulu ngalokwenele kutsi asesekele.

<sup>8</sup> INTalo yakhe ifanele icabange intfo lefanako. Kungakhatsaleki kutsi kubonakala kungulokungeke sekwenteke kangakanani, kutsi kubonakala kungesiko kanjani kwemvelo emcondvweni wekwemvelo, noko Nkulunkulu angeke enta setsembiso Langasimkhulu ngalokwenele kutsi asinakekele. Sikholwa nguleyontfo lefanako namuhla. Yonkhe iNTalo ya-Abrahama yeliciniso ikholwa intfo lefanako. Akunanzaba kutsi timo tini letisekhatsi, kutsi lwati lolunengi kangakanani lesiluokelele, kutsi tingakhi tintfo leyentekile, kutsi akusiko kanjani kwemvelo emcondvweni wemvelo, kutsi kubuwula kanjani, njalo, emcondvweni wemvelo, akwenti ngisho nalomncane umehluko. Uma Nkulunkulu ashito njalo, kunguloko. NeNTalo ya-Abrahama titinte etikwa ISHO KANJE INKHOSI. Loko kuyakucatulula.

<sup>9</sup> Siyatfola, iminyaka lengemashumi lamabili nesihlanu kamuva, kute kwasabantfwana. Futsi Nkulunkulu bekasolo etsembekile kutsi agcine setsembiso saKhe ku-Abrahama, ngoba Abrahama wamkholwa Nkulunkulu. Lomfana lomncane wefika enkhundleni, Isaka lomncane.

<sup>10</sup> Kwatsi-ke emvakwekuba Isaka lomncane sekefikile enkhundleni, manje-ke sitfola kutsi Nkulunkulu wamnika kuhlolwa lokuphindvwe kabili. Watsi, “Lomntfwana...” Emvakwekuba manje sekacishe abeneminyaka lelikhulu nelishumi nesihlanu budzala, noma emashumi lamabili, Abrahama bekanayo. Watsi, “Ngifuna utsatse lena, indvodzana yakho lekuphela, futsi uyenyusele entsabeni leNgiyokukhombisa yona, futsi lapho unikele ngayo etulu, kulentsaba, ibengumhlatjelo.” Ngalamany’emagama, abhubhise

bonkhe bufakazi lebekanabo kutsi setsembiso sasitogcwaliseka. Loko kukususa tonkhe tintfo temvelo.

<sup>11</sup> Wase utsi Abrahama, “Ngamemukela anjengalovelala kulabafile. Futsi ngiciniseke ngalokugcwele kutsi Unemandla ekumvusa kulabafile.”

<sup>12</sup> Lowo bantfu manje iNtalo ya-Abrahama, ngoba Yasivusa kulabafile. Sasifile esonweni nasetiphambekweni. NaleYo Leyabanemandla kugucula ingeondvo yami, yagucula imicabango yami, yagucula imvelo yami, yangigucula wonkhe, Ingenta njengekubona kwaYo. Noma ngabe yini Leyishoko, ngikholwa kutsi iliCiniso, nayo yonkhe iNtalo ya-Abrahama ikholwa intfo lefanako.

<sup>13</sup> Abrahama, angesuye longalaleli kuNkulunkulu, watsatsa lomfana lomncane. Futsi kulokusa loku, watjela tinceku, “Nine lindzani lapha neminyuzi. Nendvodzana nami sitokuya ngaleyakuyokhonta, futsi yona nami sitobuya.” O, utokwenta kanjani na? Ngesikhatsi akhuphukela esicongwensi sentabsa, kutsi atsatse kuphila kwendvodzana yakhe lucobo, noko utsi, “Lomntfwana, lomfana nami sitobuya.” Bekati kutsi kwakufanele kwenteke intfo letsite. Kepha bekangati nje kutsi Nkulunkulu bekatokwenta kanjani; lowo akusiwo umbuto wakhe. Uyati kutsi Nkulunkulu wakwetsembisa.

<sup>14</sup> Nguloko kuphela lesikhatsalele kukwati, Nkulunkulu wakwetsembisa! Kutoba kanjani na? Ngeke nganitjela. Kodvwa Nkulunkulu washo njalo! Uyotfuma Jesu Khristu, kwesibili, Uyofika ngesimo semtimba. Uyobita labangebaKhe luCobo. Kuyobakhona iminyaka leyinkhulungwane, kubusa kwesikhatsi seminyaka leyinkhulungwane etikwalomhlaba, kanye naYe, kanye nalabahlengiwe. Nguloko Lakwetsembisa, futsi sibheke lelo-awa kutsi lisondzele.

<sup>15</sup> Wetsembisa kuphilisa labagulako, kuvusa labafile, kukhipha emadimoni. Wetsembisa kukwenta. Unguye itolo, namuhla naphakadze. Kanjani na? Angati. Wetsembisa kukwenta! Siyakukholwa; loko kuyakucatulula. Uma umuntfu amkholwa Nkulunkulu, ukukholwa konkhe Lakushoko.

<sup>16</sup> Futsi nguleyondlela Abrahama lamkholwa ngayo Nkulunkulu. Manje wacelwa kutsi abhubhise bonkhe bufakazi lobubonakalako kutsi setsembiso saKhe sasitonakekelwa, kodvwa bekacinisekile kutsi Nkulunkulu bekangakwenta.

<sup>17</sup> Manje, akusiko kuphela kutsi Waniketa lesetsembiso lesi lesikhulu, Usinika iNtalo yakhe, futsi. Futsi ngoba Abrahama bekatsembele, futsi waligcina le-leLivi laNkulunkulu lametsembisa lona Nkulunkulu, futsi wati kutsi Nkulunkulu bekangakhona kuvusa lomntfwana. Futsi akamyekelanga umntfwana wakhe lucobo; kodvwa (Nkulunkulu) bekasifanekiso saNkulunkulu anikela ngeNdvodzana yaKhe, kusobala; lapho itfwele lukhuni yenyuka intsaba, nakanjalonjalo; njengoba

Khristu kamuva watfwala lugodvo lemhlajelo waKhe luCobo, enyuka ligcuma, aya lapho Abetselwa khona.

<sup>18</sup> Siyacondza kutsi kuloku, ekwenteni loku, kwamtfokotisa kahle kakhulu Nkulunkulu kubona kutsi Abrahama bekaMtsandza ngetulu kwetintfo tonkhe emhlabeni, ngisho nendvodzana yakhe kuphela. BekaMtsandza ngetulu kwaloko noma ngubani lebekangakusho, nomangubani lobekangakwenta, bekasolo amtsandza Nkulunkulu ngalokwenele kukholwa Livi laKhe.

<sup>19</sup> Yonkhe iNtalo ya-Abrahama iyamkholwa Nkulunkulu kanjalo. Bayamkholwa Nkulunkulu. Futsi siyati kutsi kwamtfokotisa kahle kakhulu Nkulunkulu kangangekutsi naku Lakusho, "INTalo yakho iyoncoba emasango esitsa sayo. INTalo yakho iyoncoba emasango esitsa sayo." Khumbulani, lowo ngu ISHO KANJE INKHOSI. INTalo ya-Abrahama iyakukholwa loko. Uma uyiNtalo ya-Abrahama yelucobo, kukholwa Abrahama bekanako kuNkulunkulu, kukuwe. Futsi uyakholwa, nguloko Nkulunkulu lakushito, Nkulunkulu uyasicina setsembiso saKhe.

<sup>20</sup> Futsi Wakusho, manje khumbulani, Wenta kuphela lesetsembiso lesi ku-Abrahama emvakwekuba Sekamniye kuvivinywa. INTalo ya-Abrahama ifanele kucala ivivinywe, kubona kutsi ngabe balikholwa impela yini Livi. Khumbulani, indlela lekuphela lebekakwati kugcina ngayo setsembiso saNkulunkulu, ngoba wasikholwa setsembiso saNkulunkulu, futsi wavivinywa kutsi bekaLikholwa noma cha.

<sup>21</sup> Siletfwa kuloko kuvivinywa. INTalo ya-Abrahama, namuhla, iletawa kuloko kuvivinywa. Ngabe sitotsatsa Livi laNkulunkulu, noma sitsatsa loko lokushiwo ngumunntfu ngaLo na? Ngabe sitotsatsa loko lokwakhwiwe yinhangano letsite njengesivumokholo, futsi semukele loko, noma ngabe sitsatsa lokwashiwo nguNkulunkulu na? Uma Livi laNkulunkulu licinisile, sikholwa Livi laNkulunkulu, kungakhatsaleki kutsi nomayini lenye injani. Sivumela onkhe emavi emuntfu abe ngemanga, newaNkulunkulu abe liCiniso. INTalo ya-Abrahama yeliciniso! Kodvwa ngaphambi kwekutsi ube nguleyoNtalo yeliciniso, ufanele wendlule ekuvivinyweni, njengoba kwenta Abrahama, cobolwakhe. Aketsembisanga ku-Abrahama kuphela, kodvwa iNtalo yakhe yayitoncoba emasango etitsa. O, hhe!

<sup>22</sup> Cabangani nje, khokho bekacineseke ngalokugcwele kuso, ekuvivinyweni kwakhe kwesetsembiso seLivi laNkulunkulu, sasicinisile. Kungakhatsaleki kutsi imininingwane wawuyini, bekasolo alikhholwa Livi kutsi lalicinisile. Abrahama, khokho lomkhulu, akatange acekaceke ekukholweni, ngesikhatsi aletfwa kulesosikhatsi sekuvivinywa. Wakholwa kutsi Nkulunkulu bekanemandla ekumvusa kulabafile. Wakukholwa,

ngoba Nkulunkulu wenta lesetsembiso. Futsi ngesikhatsi Nkulunkulu enta setsembiso kutsi bekatoba ngu “babe wetive,” futsi wakholwa kutsi loko kwakunjalo. Bekangati kutsi kwakutoba kanjani. Ngesikhatsi luswane lufika, emvakwekuba seketsimbile, iminyaka lengemashumi lamabili nesihlanu, wase-ke ucelwa kutsi abhubhise loluswane, bekasolo ati kutsi setsembiso saNkulunkulu sasicinisile, futsi wanikela ngendvodzana yakhe.

<sup>23</sup> INTalo yakhe, intfo lefanako! Setsembiso saNkulunkulu siluphawu, kulabo labayINTalo ya-Abrahama. Lesetsembiso siluphawu, fakazi losayiniwe. Futsi uma silikholwa lonkhe Livi lelitsenjisiwe, khona-ke lumphawu lunikwa tsine, kucinisa setsembiso ngalo. Niyabona, uma tsine—uma tsine, loku siyiINTalo ya-Abrahama, sendlula ekuvivinyweni kutsi sitolikholwa yini liBhayibheli, noma cha. LiBhayibheli liLivi laNkulunkulu, ngoba LinguaNkulunkulu. Bese-ke emvakwekuba sewendlule ekuvivinyweni, kutsi ukholwe.

<sup>24</sup> Uma labanye babo atsi, “Tinsuku temimangaliso selwendlulile.” Uma wemukela loko, loko kuphambene neLivi.

<sup>25</sup> Uma utsi, “Awumemukeli Moya loNgcwele, namuhla. Ayikho intfo lenjalo. Baphostoli labalishumi nakubili nje labaMemukela.”

<sup>26</sup> Livi latsi, Phetro aLishumayela ngeluSuku lwePhentekhosti, watsi, “Phendvukani, ngulowo nalowo wenu, futsi nibhabhatiswe eGameni laJesu Khristu kuko kutsetselelwa kwesono, khona nitokwemukela siphwi saMoya loNgcwele. Ngoba lesetsembiso singesenu, nesebantfwana benu, nabobonkhe lokhashane, ngisho nabonkhe labo iNkhosi Nkulunkulu wetfu leyobabita.”

<sup>27</sup> Lichaza loko impela nje. Likutsi, manje uma ulungele kutsatsa sivivinyo, sivivinyo saNkulunkulu lesiyi-esidi, bese ulandzela lolo luhla lwemutsi nekusetjentiswa kwavo, ngiyanitjela, nitotfola kutsi Nkulunkulu uyaligcina Livi laKhe, uma nitoLikholwa. Kunjalo. Kodvwa nifanele nendlule kuloko, ngoba lolo lumphawu; uma ningalwemukela, khona-ke niyokwemukela lesetsembiso. Ngoba, Luhla lwemutsi nekusetjentiswa kwavo IwaNkulunkulu, indlela lesifanele sikkwente ngayo, futsi nguleyondlela lesifanele siLilandzele ngayo, loko nje Lakusho. Manje hhayi nje kulabanye, kodvwa “nomangubani,” nomangubani lokholwako, nomangubani lophendvukako, nomangubani lokholwako. Kusetitukulwaneni tonkhe, kubo bonkhe bantfu, nomangubani lofuna kuLikholwa. Nekukholwa eVini laNkulunkulu kukuletsa kulesetsembiso lesi. Ngako-ke, bese kutsi-ke kuphela, ungaba nemandla ekutsi ubeneluphawu lwesetsembiso.

<sup>28</sup> Nalesetsembiso lesisemukelako, lumphawu, lungumbhabhatiso waMoya loNgcwele. Kunjalo. Ngoba lowo

nguNkulunkulu esimeni saMoya, wena ngekuba Livi laKhe kuwe, ubese-ke Uyangena. Uma wemukela Livi kuwe, Moya loyiNgewelete nguyonantfo kuphela lengenta Loko kuphile, futsi-ke unesetsembiso sekuncoba lisango laso sonkhe sitsa lesitama kukuhlasela. Kunjalo. Nkulunkulu wakwetsembisa, futsi kunjalo.

<sup>29</sup> Manje, khumbulani, ningakwenta kuphela ngalesosikhatsi, futsi ngalesosikhatsi kuphela, emvakwekuba sewuvivinywe ngeLivi.

<sup>30</sup> Abrahama wavivinywa ngeLivi. “Utokholwa, Abrahama, kutsi utoba nendvodzana na?”

“Yebo.”

<sup>31</sup> Indvodzana yefika. “Manje yibhubhise. Usakukholwa, Abrahama?”

<sup>32</sup> “Ngiyakukholwa, noko, ngoba Wena unemandla ekumvusa kulabafile.”

<sup>33</sup> Futsi emvakwaloko, Watsi, “Manje, iNtalo yakho iyoncoba lisango lesitsa sayo.” Amen! Emvakwekfika kwekvivinywa!

<sup>34</sup> Ake sihlole kulenye yentalo ya-Abrahama, entalweni yemvelo. Lokukutsi, tsine namuhla siyiNtalo yakamoya. Kodywa ake sitfole, ngentalo yemvelo, ngalabanye babo labasikhholwa setsembiso saNkulunkulu lesigcwele, futsi abasilokotsi basibut-...[Akucoshwanga etheyiphini-Umhl.]

<sup>35</sup> Ngatsi, “Konje, ifunelani intfombatane lengumKhristu kuveta siketi sayo sangaphansi na? Angikucondzi loko.”

<sup>36</sup> Utelwe kabusha, ngekwaNkulunkulu, unebuhle baMoya loNgcwele kuveta kutsi uyini, ungiko. Unesiciniseko sebumsulwa letiketi letilihlazo lettingenaso. Kunjalo. Wesifazane waNkulunkulu sibili, uyema atsi cekellele nesiciniseko sebumsulwa, ungahle uhlekwe, futsi ubitwe ngefashini lendzala; kodywa unentfo letsite labangeke sebayitsintse, futsi kadze bayilahlile futsi abasayophindze babenayo futsi. Kunjalo. Unesiciniseko sebumsulwa. Ngiko loko Nkulunkulu lakubukako, sicinisekosebumsulwa. Niyabona na?

<sup>37</sup> Kodywa intfo yekucala, uma kukhona umbuto engcondvwensi yakho, ungakwenti nhlobo. Ungeti elayinini lalabakhulekelwako uma kunembuto engcondvwensi yakho. Ungeti ngaphandle uma ukukholwa mbamba, ngekugcizelela, akukho gagasi engcondvwensi yakho, nhlobo, kuphela kutsi utophiliswa, khona-ke utosuka langembili sewungumuntfu lophilile. Kunjalo, uma kungekho mbuto engcondvwensi yakho, nhlobo. Ufanele umkholwe Nkulunkulu, hhayi kutentisa. Ukholwe mbamba!

<sup>38</sup> NeNtalo ya-Abrahama iyakukholwa ngoba Livi lishito njalo, futsi kungalesosizatfu sikukholwa. Hhayi ngoba kukhona umuntfu logcekile, ngoba lomunye umuntfu ushito njalo. Ngoba

Nkulunkulu ushito njalo, loko kukwenta kube liCiniso. Uma Nkulunkulu akusho, loko kucatulula yonkhe imibuto. Ulivi lekugcina. Usigcino. Uma Nkulunkulu ashо nomayini, loko kuyakucatulula. Akukho lokunye lokungakhuluma kumelane naLo. “Onkhe emavi emuntfu akabe ngemanga, newaMi abe liCiniso.”

<sup>39</sup> Manje njengoba sihlola letinye taletintalo leti, ake sicabange. Sicabanga ngalabantfwana bemaHebheru, ngingabo lapha, ngicabanga ngaloko, ngebantfwana bemaHebheru, emvakwekuba base bavivinyiwe ngecumelana nekukhontwa kwesithico. Manje, niyakhumbula, inkhosи yatsi, “Loyo longeke asikhotsamele lesithico lesi, utophonswa esithandweni semlilo.” Manje, labantfwana laba bakholwa kutsi Livi laNkulunkulu lalicinisile, kutsi abakafaneli kukhonta noma nguluphi luhlobo lwesithico, kodvwa ngesikhatsi sebefika kulemancamu futsi bavivinywa kutsi ngabe bebatokwenta yini.

<sup>40</sup> Ngesikhatsi, bonkhe labanye bebantfwana entasi lapho bemukela futsi bayo ekukhonteni, bahamba bacondza ngco ngendlela inkhosи leyayishito ngayo. Bahamba nemcabango lotsandvwa bantfu welusuku, kutsi bafanele bakwente.

<sup>41</sup> Futsi lapho sebavivinyiwe, kutsi ngabe bebatotikhonta yini tithico futsi bephule Livi laNkulunkulu, bahlala ngekweliciniso eVini. Kungenandzaba ngetingcinamba, bahlala ngekwetsembeka eVini. Futsi ngesikhatsi babaphonsa esithandvweni semlilo, setsembiso saNkulunkulu sagcwaliiseka. Bancoba emasango esitsa sabo. Futsi kwasekukhona iNDvodza yesine ime ekhatsi lapho, nesikhiya lesavulela kushisa lokuphuma emlilweni, futsi akwentanga lutfo ngaphandle nje kwekubakhulula. Amen.

<sup>42</sup> Uma wesilisa noma wesifazane alungele kutsatsa sivivinyo, sivivinyo lesiyi esidi!

<sup>43</sup> Niyabona, badzingeka kutsi bayongena emlilweni. Futsike ngesikhatsi bakwenta, bebasemlilweni, nentfo kuphela leyentekile, lesivivinyo lesi semlilo savula kuphela nje, sasusati—tibopho etandleni tabo.

<sup>44</sup> Tikhatsi letinengi, Nkulunkulu uyasiyekela, uma sitfola kuboshwa yonkh'indzawo nelive, siboshwe ngei, Uvumela tivivinyo temlilo tifike etikwetfu, lapho sidzingeka khona sente sincumo. Futsi uma senta loko, intfo kuphela sivivinyo lesingayenta, uma iNTalo sibili ya-Abrahama ime e—etipampulekweni tesincumo, futsi wenta sincumo sakhe kutsi akhonte Nkulunkulu, kungajuba kuphela tibopho tichacheke futsi kusikhulule. Sathane angahle akunike sifo. Angahle akunike intfo yinye, lenye. Wati kanjani kutsi akusuye Nkulunkulu lokubeke etipampulekweni, kubona kutsi hloboluni lwesi—si—sincumo lotosenta na?

<sup>45</sup> Balincoba lelisango lemlilo. Umlilo awukhonanga kubashisa. Kwakute ngisho liphunga lemlilo etikwabo, ngoba bebatı kutsi bebayıNtalo ya-Abrahama, futsi bamela Nkulunkulu neLivi laKhe. Bancoba e—emasango esitsa, nemlilo wangakhoni kubashisa, ngoba bancoba emasango.

<sup>46</sup> Kamuva, kwakukhona indvodza, umprofethi entasi lapho, ligama lakhe nguDanyela. Beka...waba nesivivinyo kutsi ngabe bekatokhonta Nkulunkulu weliciniso munye, noma cha. Futsi uma kufika kulesosikhatsi, kutsi ngabe bekatokhonta Nkulunkulu weliciniso munye, noma akhonte nkulunkulu wemahedeni, wala kukwenta; futsi waphonsa etulu emakhethini, futsi wakhuleka kuNkulunkulu wakhe, onkhe malanga. Futsi watsatfwa nguloko, ngenhlawulo yemitsetfo yemave, futsi waphonswa emgodzini wemabhubesi. Sicuku semabhubesi lalambile aphuma ambhodlela. Wentani na? Wancoba lisango lesitsa sakhe. Emabhubesi akakhonanga kumudla. Nkulunkulu watfumela phansi iNsika yeMlilo, iNgelosi leyema emkhatsini wakhe nelibhubesi.

<sup>47</sup> Walincoba lisango lesitsa, ngoba wavivinywa kubona kutsi ngabe bekatokhonta Nkulunkulu weliciniso munye, noma abenedazini yabonkulunkulu bemahedeni labakhontwako. Ngako wasimela sivivinyo, futsi walincoba lisango lesitsa. Lelibhubesi alikhonanga ngisho nekumtsinta, ngoba Nkulunkulu bekanaye. Setsembiso saNkulunkulu sahlala siliciniso, ngoba bekayıNtalo ya-Abrahama yeliciniso.

<sup>48</sup> Mosi, o, lomunye lomkhulu. Wavivinywa, naye, kubona setsembiso Nkulunkulu lamnika sona. “Ngitoba nawe uma wehlela lapho.” Futsi lapho ema embikwebalingiseli besiphiwo sakhe, Janesi naJambresi batama kusukuma futsi balingisele yona kanye lentfo Mosi layalwa kutsi ayente. Futsi Nkulunkulu bekambitile, futsi bekati kutsi bekanguye lobekatfunywe kutsi ente loku, futsi wema lapho futsi wenta ummangaliso njengoba Nkulunkulu amtjela kutsi awente. Futsi naku kwakume balingiseli, kutsi bente intfo lefanako, kodvwa akumhluphangā Mosi. Wema ngekweliciniso eVini laNkulunkulu, futsi wancoba emasango, amen, esitsa, ngoba wema ngekweliciniso esetsembisweni saNkulunkulu, kungenandzaba kutsi kwakungubani lobeketama kusilingisela.

<sup>49</sup> Sifundvo lesinje pho kuwowonke umKhristu! Uma ucalata bese ubona umzenzisi, vele ukhumbule nje kutsi utama kulingisela intfo yelucobo. Kodvwa, loko kuphela kuchaza kutsi kunayinye yelucobo. Mani wetsembeke eVini laNkulunkulu! Akunandzaba kutsi kufikani noma kuhambari, gcina setsembiso saKhe. Yebo, Danyela wahlala acinisile eVini laNkulunkulu.

<sup>50</sup> Akunandzaba kutsi bangakhi labetama kumlingisela, nako konkhe lokunye, wahlala ngekwetsembeka. Futsi wetela inhloso,

kutsi akhiphe Israyeli eGibhithe, nekutsi ayobafaka eveni leletsenjisiwe. Futsi uma sekufika sikhatsi sabo kutsi bayongena eveni leletsenjisiwe, baphuma eGibhithe, nako kume Lwandle loluFile endleleni. Futsi wancoba emasango emanti, nemasango ambimba avuleka. Nema—emanti ahlehlela emuva, naMosi watsatsa Israyeli wamfaka ehlane, waya entsabeni lapho Nkulunkulu amtfuma kutsi abaletse khona. Amen. Wancoba emasango esitsa.

<sup>51</sup> Uyise, Abrahama, bekanaso lesosetsembiso, kutsi iNtalo yakhe yeliciniso yayitoncoba lisango lesitsa. Nemasango emanti lalivaliwe, futsi bekangakhoni kwendlula, naleyo kwakuyindlela yemsebenti. Bekafanele kuletsa labobantfwana kuleyontsaba. Nkulunkulu wamtjela kutsi akwente. Futsi nako kwakume lisango endleleni, futsi walincoba lisango lesitsa.

<sup>52</sup> Joshuwa, kamuvanyana, ngesikhatsi befika eKadeshi-bharneya, lokwakusihlalo sekwehlulela semhlaba ngalesosikhatsi, lapho Israyeli wahlangana khona nekwehluelwa kwakhe. Sitfola Joshuwa naKhalebi, nalabanye labalishumi nakubili...noma—noma labalishumi labanye. Munye esiveni ngasinye watfunyelwa ngale kuyohlolola live lebesebalungele kulemukela.

<sup>53</sup> Futsi lapho sebabone letotichwaga letinkhulu time lapho, labalishumi babo bativa bakabi sibili, batsi, “Ngeke silitsatse. Likhulu kakhulu. Ngani, bukani lesinabo lesiphikisana nabo.” Kodvwa ngesikhatsi sebabuya kutoletsa umbiko, baletsa umbiko lomubi.

<sup>54</sup> Kwakungani kutsi baletse umbiko lomubi, uma Nkulunkulu abatjela, “Ngininike lelo live; lingelenu”? Wabatjela entasi eGibhithe. “Ngininike lelive. Lilive lelihle. Licicima lubisi neluju.”

<sup>55</sup> Kodvwa lapho sebabona labaphikisana nabo babakhulu kakhulu, labalishumi babo bayabuya base batsi, “Ngeke sakwenta.”

<sup>56</sup> KwakunguJoshuwa, wathulisa bantfu, wase utsi, “Sinemandla ngalokwendlulele kulincoba. Sinemandla ngalokwendlulele!” Ngoba leni na? Bekabuka setsembiso. BekayiNtalo ya-Abrahama yeliciniso. Kungakhatsaleki kutsi kuphikisana kwakuyini, “Singalincoba lelisango, ngoba Nkulunkulu wetsembisa live.” Futsi wancoba lisango.

<sup>57</sup> Kamuva, ngesikhatsi aletsa bantfwana baka-Israyeli entasi emfuleni. Nako kwakumile, ngenyanga yaMabasa, umfula lomkhulu, uya ngekuphuphuma. IJordani yehla iphuma etintsabeni, futsi yasabalalela ematsafeni. Ibukeka njengesikhatsi lesibi kakhulu, emnyakeni, kutsi akhone kuba lapho. Kodvwa, noko, bekayiNtalo ya-Abrahama. Bekati kutsi bekanesetsembiso, futsi bekasendzaweni yekusebentela. Nkulunkulu umnika umbono, kutsi akwente kanjani, futsi

wawancoba emasango emfula. Ngesikhatsi emasango ambimba avuleka, emanti ahlelha kahle enyuka ayongena etintsabeni. Futsi Joshuwa na-Israyeli bancoba emasango esitsa, futsi bewela bayongena eveni leletsenjisiwe, ngoba Nkulunkulu wabatjela kutsi bakwente. INtalo ya-Abrahama yeliciniso!

<sup>58</sup> Banaketfu nabodzadzewetfu, ngesikhatsi sekewelete lapho, iJerikho yonkhe yayibiyelwe, iphakeme ngalokwenele kangangekutsi bebakwati kugijimisa tincola temphi letintsatu kusuka ngalapha kuya ngale etulu. Bekangakwenta kanjani lama-Israyeli ngaletibolekiwe, tinkemba letibutfwе phansi, nako konkhe, netindvuku nematje, bekatongena kanjani lapho na? Kodvwa bekasolo ayiNtalo ya-Abrahama. Nkulunkulu wamnika umbono, wamtjela kutsi kwentiwa kanjani, watsi, "Khalisani licilongo." Amen. Nguloko-ke. "Nimemete, nimashe nikuphukele ngaselubondzeni, lamasango atokuwa embikwenu." Amen! BekayiNtalo ya-Abrahama yebukhos. Bekalikholwa mbamba laNkulunkulu. "Emasango ayowela phansi embikwenu. Memetani nje, futsi nikhalise licilongo. Nguloko kuphela lenifanele nikwente." Futsi kwentekani na? Emasango awela phansi, naJoshuwa walitsatsa lidolobha.

<sup>59</sup> Kamuvanyana, sitfola kutsi sitsa sasicoshwa futsi sichubeka, emvakwaloko, wate Wamisa ngisho nelilanga emigudvwini yalo. Njengoba ngakhuluma ngalolokunye kusa, ngekutsi *Imphicabadzala*, Wamisa lilanga waze wancoba emasango esitsa sakhe. Amen. Bekati kutsi uma lesositsa sake nje satfola kubutsana ndzawonye futsi, tatihlakatekile, nelilanga laseliyoshona, nema-Amori, nema-Amaleki, nakanjalonjalo, bekahlkateke onkhe. Uma ake nje abutsana ndzawonye futsi, futsi efika abutsana, khona-ke bekatoba nesikhatsi lesimatima kutsi ake awatfole kutsi awacoshe futsi. Futsi kwakunentfo yinye kuphela nje leyayibamble, leso kwakusikhatsi. Futsi Wamisa sikhatsi. Amen! Amen! Yinye intfo lemvimbela esetsembisweni, lelo kwakulilanga, imvelo lucobo lwayo yewela, futsi Wamisa imvelo. Ngani na? BekayiNtalo ya-Abrahama. Wasikholwa setsembiso saNkulunkulu. Walimisa, futsi wancoba emasango. Yebo, mnumzane.

<sup>60</sup> Lawa indvodza lenkhulu, onkhe ayindvodza lenkhulu. Kodvwa niyati ngesikhatsi wona, onkhe awo, ngesikhatsi efika esangweni lekuwa, afa onkhe. Onkhe awo adzingeka kutsi afe. Ngoba bekayindvodza lenkhulu, "Avimba u—umlomo wemabhubes, futsi aphunyuka emlilweni, nelusiko lwenkemba," nakanjalonjalo, njengoba sitjelwa kumaHebheru 11. Futsi bancoba emasango esitsa, onkhe kodvwa sitsa sinye, naleso sasikuwa. Kufa kwabagwinya bonkhe nya.

<sup>61</sup> Kwase kutsi ngalelinye lilanga, sekufika iNtalo ya-Abrahama yebukhos, Jesu Khristu, iNdvodzana yaNkulunkulu; iNtalo ya-Abrahama, ngekukholwa. Hhayi nga-Isaka, intalo yemvelo; benta incenye yabo. Kodvwa naku

kufika Munye Longatalwanga ngekwemvelo. Naku kufika Munye longafiki ngesifiso sekulalana. Naku kufika Munye ngekutalwa yintfombi ntfo. INdvodzana yaNkulunkulu, iNtalo ya-Abrahama, uMuntfu lomkhulu kangaka pho lona bekanguye! Lokunye kwemvelo konkhe kwatalwa ngekutalwa kwemvelo. LoMuntfu lona watalwa ngekutalwa yintfombi ntfo. Wentani Yena ngesikhatsi Efika emhlabeni na? Wancoba tonkhe titsa Sathane lebekanato. Wancoba yonkhe intfo.

<sup>62</sup> Yini Layenta na? Wahlela kahle wase uncoba kugula. Kwakungeke kubekhona kugula ngakuYe; nomaphi lapho kwakunekugula khona, Wakuncoba. Wentani emvakwekuba Sekakuncobile na? Usinika tikhya, amen, atsi, “Nomayini leniyibopha emhlabeni, Ngitoyibopha eZulwini.” O! Amen! Leyo yiNtalo ya-Abrahama yebuKhosi, setsembiso saKhe. UMoya loyiNgewe ngekhatsi kitsi manje, netikhya, sisibambe ekuguleni. Wancoba kugula. Kugula ngeke kwema eBukhoneni baKhe. Futsi Washo kutsi Wasinika tikhya kutsi sente intfo lefanako, sincobe kugula. “Nomayini leniyibopha emhlabeni, Ngitoyibopha eZulwini.”

<sup>63</sup> Futsi, kulingwa, Walingwa ngato tonkhe tindlela njengoba sasinjalo. Wentani Yena na? Wakuncoba. Futsi Watsini kitsi na? “Nimelane nadeveli, futsi utonibalekela.” Wasincobela kugula. Wasincobela kulingwa, wadzilita emasango; watsatsa sikhya kumlingi, wase usinika likholwa, leNtalo ya-Abrahama, wase utsi, “Uma anilinga, nimelane naye, futsi utonibalekela.” O, hhe! Melanani naye!

<sup>64</sup> Wancoba kokubili kufa nesihogo. Wavuka ngelusuku lwesitsatfu, atsi, “Ngincobile. Futsi ngoba Ngiyaphila mine, nani niyaphila.” O, setsembiso lesinje pho! Loko kuseNtalweni ya-Abrahama. Wancoba lithuna, wavuka ngelusuku lwesitsatfu, kube kulungisiswa kwetfu. Ngesikhatsi Avuka, Bekakulungisiswa kwetfu. Loko kusenta ini na? Wancoba kugula. Wancoba kufa. Wancoba sihogo. Wancoba lithuna. Wancoba kulingwa. O!

<sup>65</sup> “Manje singetulu kwebancobi ngaYe lowasitsandza, futsi unikela kuphila kwaKhe ngako,” ayiNtalo ya-Abrahama yebuKhosi. NgaMoya waNkulunkulu lofanako lokitsi, lowawukuYe, singetulu kwebancobi. Lonkhe lisango lincotjelwe tsine. Intfo kuphela lesifanele siyente kulidla. Selivele lincotjiwe. Kugula kuncotjiwe. Kufa kuncotjiwe. Sihogo sincotjiwe. Lithuna lincotjiwe. Yonkhe intfo incotjiwe, futsi siphetse tikhya, ngemusa waKhe. Ngabe niyesaba kutihlohlha emshineni wekukhiya, bese nitsi, “Ngita ngeliGama laJesu Khristu”? “Celani kuBabe noma yini eGameni laMi.” NgiyaMtsandza.

<sup>66</sup> Emvakwekuba sekwendlule iminyaka letinkhulungwane letimbili, iminyaka letinkhulungwane letimbili, futsi Usasolo

alapha emkhatsini wetfu, uMncobi lonemandla lowadzabula iveyili kabi, lowatsatsa konkhe kugula, tonkhe tifo, yonkhe intfo Watetfwesa yona, futsi watfwala butsakatsaka betfu aya esiphambanweni, nekugula kwetfu netifo tetfu, futsi wancoba etikwako, futsi wavukela kulungisiswa kwetfu, futsi ume aphila emvakweminyaka letinkhulungwane letimbili, kutsi Atibonakalise njengaJesu Khristu lophilako, emkhatsini weNtalo ya-Abrahama yebukhosy labatindalifa tetintfo tonkhe. O, hhe! Labo kamuva, wendlula ekuvivinyweni, setsembiso seLivi! Uma ningahle nikholwe Livi, khona-ke nani niyiNtalo ya-Abrahama. Nita kanjalo-ke kuLo.

<sup>67</sup> Uma ningeke nakutsatsa loko kuvivinya kweLivi, khonake uma niLingabata, ninekusola lokuncane ngaLo, kungaba lukhuni kutsi uLikholtwa, kukhona lokutsite noma lokunye, ningeke naLikholtwa, khona-ke ningeti elayinini lalabakhulekelwako. Ngingeke sengite ngiyingayinge langase-altari, nite nikhone kutfola umusa lowenele kutsi nati kutsi Livi laNkulunkulu licinisile.

<sup>68</sup> Futsi uma nike nabhabokela ngale kwaleyoveyili yekungakholwa, khona-ke ninetikhiya etandleni tenu, tekufa, sihogo, nelithuna, ngoba nineMncobi Lowanincobela. Khona-ke ninemaHebheru 13:8, lasitjela kutsi, “Jesu Khristu unguye itolo, namuhla, naphakadze.” Singakwenta kanjani na?

<sup>69</sup> Bantfu namuhla batsi, “O, yebo-ke, ngitonitjela, Ukhona ngendlela le—letsite, Ukhona.”

“Uyafana,” kwasho liBhayibheli.

“O, yebo-ke, Akenti namuhla njengoba Enta.”

<sup>70</sup> Sikutfola khona manje, uma sibona Livi laKhe licinisekiswa. Kwentani na? KuLibuyisela ngco ematsangeni abo futsi. Amen.

<sup>71</sup> INtalo ya-Abrahama sibili iyaLikholtwa. BayaLat. Futsi Umile, kusihlwa, njengoba Ahlangana na-Abrahama etulu lapho ngetinsuku taLoti futsi wenta loyommangaliso, njengoba Enta negetjela Sara lakusho emvakwaKhe. Jesu wetsembissa, iNtalo ya-Abrahama yebuKhosi, kutsi liBandla liyobona leyontfo lefanako ngaphambi nje kwekuFika kwaKhe. Kuyini na? Kutofanele kwenteke. Nkulunkulu wakwetsembisa. Jesu Khristu wakucinisa futsi watsi kuyoba njalo, futsi naku lapho sikhona namuhla, emvakweminyaka letinkhulungwane letimbili, siMbona emkhatsini wetfu, usasolo anguMncobi lonemandla! Wancoba kufa, sihogo, lithuna, yonkhe inkoloze; watsatsa Livi . . . . . yena. Yebo.

<sup>72</sup> Watsi, “Uma nihlala kiMi, nemaVi aMi akini, celani lenikutsandzako futsi nitophiwa kona.” Kwakuyini na? Livi, Khristu, Lelo lisenhliiyweni yenu. “Uma nihlala kiMi, emaVi aMi ahlala kini, khona-ke nincobe yonkhe intfo ngoba Ngayincobela nine. Uma nihlala kiMi, uma ningaNgicondza, uma ningahlala kiMi. Loyo lokholwa ngiMi, loNgemukelako;

hhayi nje kutentisa, kodvwa longemukela. Loyo lova emaVi aMi, acondze emaVi aMi, futsi akholwe NguloNgiftumile, unekuPhila lokungunaphakadze; futsi angeke aye ekulingweni, noma ekulahlweni, kodvwa sewendlulile ekufeni wangena ekuPhileni.” Nangu ke Yena, uMncobi lonemandla!

<sup>73</sup> Nangu Ukhona namuhla, longuye itolo, namuhla, naphakadze. Nangu Uyakwenta embikweNtalo ya-Abrahama, lebitwe yaphuma eBhabhiloni, lebitwe yaphuma eSodoma, lebitwe yaphuma eveni, futsi yehlukaniswa, lekhombisa setsembiso saKhe siphuma impela nje. Emvakweminyaka letinkhulungwane letimbili, nangu Uma emkhatsini wetfu, kusihlwa, lowoMncobi lonemandla, Livi waNkulunkulu Longahlola imicabango losenhlitiywensi, netinhloso kuyo. Kuyini na? “INTalo yakho iyoncoba lisango lesitsa sayo.” Kuyini na? YiNTalo ya-Abrahama, iNTalo yebukhos, ikholwa Livi. NeLivi lingu—Livi linguNkulunkulu.

<sup>74</sup> Manje uma sibona loku, singakhala kakhulu kanye nabo, njengasonkondlo wasendvulo.

Aphila, Wangitsandza; Afa, Wangisindzisa;  
Angewatjwa, Watfwala tono tami taya  
khashane le;  
Avuka, Walungisia ngesihle phakadze;  
Ngalelinye lilanga Uyabuya, O, lusuku  
loluyinkhatimulo!

<sup>75</sup> Lomunye watsi, “Sewuyaguga, mfana.” Angikwati kutibamba kuloko.

<sup>76</sup> Sengiphile kusukela ngisengumfanyana, inzuzo yami ngemphumelelo kuphela lesengake ngaba nayo kubona kuFika kwaJesu Khristu. Nganikela imphilo yami ngaleyohloso. Ngisasolo ngisepulpi, njengendvodza lendzala, ngikhola iNDzaba lefanako, nentfo lenkhulu kunato tonkhe lengingacabanga ngayo kubona Jesu Khristu avela emazulwini kwemukela baKhe lucobo. Nkulunkulu, manje-ke kwami... Akumangalisi singahlabela:

Bayethe emandla eliGama laJesu!  
Akutsi tiNgelosi tiwe tilale phansi;  
Tiletse umchele webukhos,  
Futsi tiYetfwese umchele iNkhosi yabobonkhe.

<sup>77</sup> Ngani na? UnguMncobi lonemandla. Uma ukuYe, useVini. Watsi, “Uma nihlala kiMi, celani nomayini leniyitsandzako.” “Leniyitsandzako,” ngoba onkhe emasango sekavele ancotjiwe. Khona-ke singatsi:

Ngoba sonkhe setsembiso eNcwadzini sami,  
Sonkhe sahluko, lonkhe livesi, nelilayini;  
Ngetsembele eVini laKhe lebuNkulunkulu,  
Ngoba sonkhe setsembiso eNcwadzini sami

<sup>78</sup> Bangani, niyacondza yini kutsi loko kuchazani na? Sonkhe setsembiso Nkulunkulu lasentela Abrahama, sonkhe setsembiso lesakhulunywa baprofethi, sonkhe setsembiso Jesu Khristu lasetsembisela lolusuku, Ulapha kusicinisa nekukhombisa kutsi Uphila kuze kube phakadze. “INTalo yakho iyoncoba lisango letitsa.”

<sup>79</sup> Uma sekufika e-aweni lekufa. Wena utsi, “Utsini ngaloko na?” Usasolo unako loko kuNcoba Pawula lakusho. “O thuna, kuphi kuncoba kwakho na? O kufa, luphi ludvonsi lwakho na? Kodvwa akabongwe Nkulunkulu, Losipha kuncoba ngalowoMncobi lonemandla, Jesu Khristu.” O!

Akutsi tiNgelosi tiwe tilale phansi;  
Tiletse umchele webukhosni,  
Futsi tiYetfwese umchele iNkhosi yabobonkhe.

<sup>80</sup> Kusihlwa, emvakweminyaka letinkhulungwane letimbili, simele kutsi siYibone, namanje, uMncobi lonemandla Lowadzabula iveryili lebeyisehlukanise nanoma ngusiphi setsembiso saNkulunkulu, futsi singetulu kwebancobi kuYe. Asikhuleke.

<sup>81</sup> Babe loseZulwini, njengoba sime lapha, kusihlwa, eBukhoneni baMoya loNgewe, lowoMuntfu lomkhulu waJesu Khristu esimeni saMoya, Lowetsenjiswa kufika etikweNTalo ya-Abrahama, iNTalo yebukhosni. Siyahuleka, O Nkulunkulu, uma kukhona wesilisa noma wesifazane, umfana noma intfombatane, ekhatsi lapha, longakwati Wena; banekungabata netingcaki emcondywani wabo, mayelana neLivi laNkulunkulu, noma ngabe LiliCiniso noma cha. O Nkulunkulu Lomkhulu, Lowenta setsembiso, wota kusihlwa! Sinye setsembiso lesikhulu Lowasenta, Nkhosi; Ungasigcina lesosetsembiso, Wena watsi, “Loyo lokholwa ngiMi, lemisebenti lengiyentako Mine naye utoyenta; lemikhulu kunalena utawuyenta, ngoba Mine ngiya kuBabe.” Babe Nkulunkulu, sikhulekela kutsi Utocinisa Livi laKho.

<sup>82</sup> Banengi bantfwana ba-Abrahama lapha kusihlwa, logulako. O, develi ubavalele esangweni; babafake ngekhatsi, futsi bashwile tikhya, futsi batsi, “Manje ufanele ufe; uphetfwe yinhilityo. Unaloku, lokwa, noma lolokunye, futsi ufanele ufe.”

<sup>83</sup> O Nkulunkulu, kwangatsi licilongo lejubhili lingakhala, kusihlwa, leliVangeli, kutsi sonkhe sigcila sikhone kuhamba sikhuleke! Jesu Khristu uwancobile lawomasango. Tsine siphetse tikhya etandleni tetfu. O! “NgeliGama laMi bayokhipha emadimoni. Uma nicela Babe nomayini eGameni laMi, Ngitolwenta. Loyo lokholwa ngiMi, lemisebenti lengiyentako Mine naye utoyenta. Livi laNkulunkulu likhalipha kakhulu futsi linemandla kakhulu kunenkemba lesika ngetinhlangotsi totimbili, isika kwehlukaniswe nemnkantja, futsi lihlola ngisho nemicabango losenhilitiyweni.”

<sup>84</sup> “Futsi njengoba kwakunjalo emihleni yaNowa, kuyobanjalo ekubuyeni kweNdvodzana yemunfu, ngoba bebadla, banatsa, bashada, bendzisa; tinhlelo tetakhiwo letinkhulu.” Futsi sibuka umhlaba, “Kuyobakhona tibonakaliso, kubonakala lokwesabekako ezulwini ngetulu (loku ngemasoso landizako), kutamatama kwemhlaba etindzaweni letehlukahlukene, lwandle lubhodla (emagagasi lamakhulu labangwa kutamatama kwelwandle), inhlitiyo yemunfu iyehluleka (kwesaba), lusizi emkhatsini wesive, kudideka kwesikhatsi.”

<sup>85</sup> “Futsi njengoba kwakunjalo etinsukwini taLoti, kuyoba njalo ekubuyeni kweNdvodzana yemunfu.” O Nkulunkulu, wota kusihlwa futsi wente Livi laKho, wota kusihlwa futsi uhloniphe kukholwa kwebantfwana ba-Abrahama. NgeliGama laJesu Khristu siyakucela. Amen.

<sup>86</sup> INkhosi inibusise, kakhulu. Anginawukwenta kubitela e-altari kulesikhatsi nje. Ngitokushiyela kini. Ngicabanga kutsi, tikhatsi letinengi, kubitela ema-altari . . . Ngikholwa nabo. “Kodvwa labanengi labemukela, wabbabhatiswa.” Nguloko-ke, “Labanengi labaMemukela.” Sitokhulekela labagulako.

<sup>87</sup> Beningakhuluma lapha busuku bonkhe. Nitetsameli letitsandzekako. Kodvwa lengikushoko ngumunfu nje; kodvwa uma ngisho emaVi aKhe, khona-ke akusiwo emavi ami, ngemaVi aKhe. Uma ngisho intfo letsite, naNkulunkulu angakweselekeli, khona-ke lelo bekulivi lami. Uma ngisho Livi laKhe, futsi UyaLesekela, ngubani lowo wesilisa losoni noma wesifazane, umfana noma intfombatane, loyosuka ahambe bese utsi Alinjalo na?

<sup>88</sup> Jesu, watsi ngesikhatsi Enta letintfo leti, batsi, “LoMuntfu ungumbhuli. Ungudeveli!” Umbhuli, noma ngubani uyati kutsi kubhula kwadeveli. Watsi, “Ungumbhuli.” Kodvwa nike nambona yini umbhuli ashumayela liVangeli na? Nike nambona yini umbhuli akhipha emadimoni na? Cha, impela, abawkenti.

<sup>89</sup> Watsi, “Manje, Mine iNdvodzana yemunfu ngitawunitsetselela ngaloku. Kodvwa uma Moya loyiNgcwele sekefikile, kukhuluma umelane naYe ngeke kutsetselelwie kulelive leli noma live lelitako, ngoba loko kukubita umsebenti waNkulunkulu ngemoya longcolile.”

<sup>90</sup> Nkulunkulu sihawukele, kusihlwa, futsi ngyakhuleka kutsi Nkulunkulu utokwehla futsi afakazele leLivi embikwenu.

<sup>91</sup> Mnaketfu, dzadze, lona ngumphefumulo wami. Ngitofanele ngihlangane naNkulunkulu. Ngibophelelekile kuloku lengikusho kini. Nkulunkulu uyongefwesa licala ngako. Kunjalo. Bekuyongisita ngani kutsi ngime lapha bese ngisho letintfo leti kube bengati kutsi bengilahla ngelicala umphefumulo wami kutsi uye esihogweni na?

<sup>92</sup> “Kukhona indlela lebonakala ilungile kumunfu, kepha kuphela kwayo kutindlela tekufa.” Nkulunkulu akadzingi

mhumushi. Njengoba ngishito, Utihumushela Livi laKhe Yena lucobo.

<sup>93</sup> “INTalo ya-Abrahama iyoncoba lisango lesitsa.” Niyakukholwa na? [Libandla litsi, “Amen.”—Umhl.]

<sup>94</sup> Kube benganganiphilisa, bengingakwenta. Khristu sewuvele uniphilisile. Intfo kuphela, unesikhiya esandleni sakho. Lesosikhiya kukholwa kwakho, kutsi ukutsatse. Kuvule ngesikhiya, kusihlwa, ungeke yini? Ngesikhatsi Eta emkhatsini wetfu, lowoMncobi loneMandla lowancoba tonkhe tifo, futsi ete lapha futsi anikhombise kutsi Sewukwentile, ngoba Usesengilo Livi. “NeLivi lihlola imicabango losenhlitiyweni.”

<sup>95</sup> Nguliphi likhadi lekukhulekelwa? B, lekucala kuya... Sasicale kuphi, ngalolobunye busuku? [Lomunye utsi, “Lekucala.”—Umhl.] Asicale kulemashumi lasihlanu. Ngubani lonelikhadi lekukhulekelwa B, lemashumi lasihlanu? Phakamisa sandla sakho. Likhadi lekukhulekelwa B. Sacala kulekucala, ngalolobunye busuku, manje sitocala kulemashumi lasihlanu, kusihlwa.

<sup>96</sup> Ngubani lona B, B, wemashumi lasihlanu? Misa sandla sakho. Likhadi lekukhulekelwa B, wemashumi lasihlanu. Nisho kutsi alikho lapha na? Ninalo na? Kulungile, B, wemashumi lasihlanu. B, wemashumi lasihlanu nakunye, ngubani lonalelo na? B, wemashumi lasihlanu nakunye, kulungile. B, wemashumi lasihlanu nakubili, ngubani lona B, wemashumi lasihlanu nakubili na? Kulungile, unalo. B, wemashumi lasihlanu nakutsatfu, wemashumi lasihlanu nakune, wota khona ngalapha. Emashumi lasihlanu nakune, emashumi lasihlanu nesihlanu.

<sup>97</sup> Umfana wami wehlela lapha, impela ngaphambi kwekutsi ngingene, bese ucovacova limfomfo lemakhadi. Futsi asenibuke kutsi anjani, linye *lapha nalelinye laphaya?* Abati. Ungeta wehle ngaloluhla *lolu* lapha bese utsatsa linye, lolandzelako atfole lelishumi, lomunye atfole lemashumi lamabili nesihlanu. Asati kutsi likuphi, kodvwa, nomangabe akuphi.

<sup>98</sup> Manje bangakhi lesingababita? Wesihlanu, wesine na? B, wemashumi lasihlanu. Bekungu B, wemashumi lasihlanu, bekungesuye na? [Lomunye utsi, “Yebo.”—Umhl.] B, wemashumi lasihlanu kuya emashumini lasihlanu nesihlanu. Wemashumi lasihlanu nesitfupha, emashumi lasihlanu nesikhombisa, emashumi lasihlanu nesiphohlongo, emashumi lasihlanu nemfica, emashumi lasitfupha. Manje ake sibone, lekucala, lesibili...Wabale, Billy, futsi sito...Emashumi lasitfupha, emashumi lasikhombisa, basukumise kucala, uma utsandza. B, wemashumi lasihlanu kuya emashumini lasikhombisa, emashumi lasikhombisa nesihlanu. Wabale, Mnaketfu Roy, uma utsandza, loku ngisakhulumu netetsameli.

<sup>99</sup> Bangakhi khona lapho manje njengoba ubuka ngalapha, futsi awunalo likhadi lekukhulekelwa na?

<sup>100</sup> Khumbulani, Jesu watsi, “Lemisebenti lengiyentako Mine nani nitoyenta.” Ngabe liciniso lelo na? [Libandla litsi, “Amen.”—Umhl.] Liciniso lelo. Niyalikholwa na? [“Amen.”] INTALO ya-Abrahama yasho njalo.

<sup>101</sup> LiBhayibheli liyasho, kutsi, “UngumPhristi loMkhulu.” EmaHebheru, sahluko 4, “UngumPhristi loMkhulu lonekuvelana nebutaksaka betfu.” Niyakukholwa na? [Libandla litsi, “Amen.”—Umhl.] Uma Anguye itolo, namuhla, naphakadze, Bekatokwenta kanjani na?

<sup>102</sup> Kwakukhona wesifazane lomncane, eBhayibhelini, njengoba nicaphela kutsi ngitsini. Wesifazane lomncane, eBhayibhelini, mhlawumbe bekangenalo likhadi lekukhulekelwa; kodvwa watsi enhlitiyweni yakhe, “Uma ngingatsinta lowoMuntfu, ngiyaMkhola.” Bekacitse konkhe lebekanako, ngabo dok-... ngabodokotela. Abakhonanga kumsita. Sifo sakhe sasisikhulu kakhulu. Abakhonanga kumsita. Kodywa wakholwa kutsi Nkulunkulu bekatomsita. Futsi watsintsa umphetfo waKhe, wesembatfo saKhe.

<sup>103</sup> Wase Utsi, “Ngiyeva kutsi emandla aphumile kiMi.” Ngabe kunjalo na?

<sup>104</sup> Niyakholwa kutsi Usenguye, kusihlwa na? [Libandla litsi, “Amen.”—Umhl.] Niyakholwa kutsi Ulapha na? [“Amen.”] Bangakhi labakholwako kutsi Wavuka kulabafile na? [“Amen.”] Manje ningakufakazela kanjani kutsi Wavuka kulabafile na?

<sup>105</sup> Kungesiko kadzeni, indvodza leyiBaptisti ledvumile yefika kimi, futsi yatsi, “Mnaketfu Branham, mine ngehlulwa—ngehlulwa, ngalesinye sikhatsi, ngumMohamede lowasho-loko. Watsi, ‘Uma Avuka, Wetsembisa kutsi Uyokwenta intfo lefanako. AsiMbone akwenta.’” Niyabona, bakholwa kutsi Akakwentanga.

<sup>106</sup> Kodvwa siyakholwa kutsi Uyakwenta. Siyakholwa kutsi Uvukile kulabafile. Ayikho lenye inkholo eveni lengafakazela kutsi umsunguli wato uyaphila, ngaphandle kwebuKhristu. Nendlela kuphela Nkulunkulu langaLicinisa ngayo, kungalabo labalikholwako; ngoba nguleyondlela kuphela Nkulunkulu lenta ngayo emaVi aKhe, ngulabo labaLikholwako.

<sup>107</sup> Manje basamisa lelilayini lelincane lalabakhulekelwako lapha. Angati kutsi bangakhi lesitobatfola. Ngifuna ngamunye wenu, ubambe indzawo yakho, ubambe situlo sakho, ungayaluki. Buka ngalapha bese uyakhuleka, utsi, “Nkhosi Jesu, ngiyakholwa.”

<sup>108</sup> Niyakhumbula, Wangitjela, “Uma utotfola bantfu kutsi bakukholwe; bese-ke ubacotfo uma ukhuleka.” Loko

bekukulesive sonkhe, emuva nasembili, iminyaka lelishumi nesihlanu, akukaze nakanye kwehluleke. Kungeke kwehluleka.

<sup>109</sup> Nkulunkulu, intfo yinYe Nkulunkulu langeke ayenta, loko kwehluleka. Utofanele aligcine Livi laKhe. Ngiyakukholwa loko. Ngiyakukholwa loko kanjengoba nje ngi...ngetulu kwekukholwa kutsi ngime lapha, ngetulu kwekukholwa kutsi ngikulesakhiwo; loku kungaba lutalagu, bekungaba liphupho. Emphefumulweni wami, ngiyati kutsi Jesu Khristu iNdvodzana yaNkulunkulu uyaphila. Nani leniyiNtalo ya-Abrahama, nine lebenifile kuKhristu, niyiNtalo ya-Abrahama.

<sup>110</sup> Manje bebanemaduku lapha. Imphumelelo lenkhulu yentiwa ngulawa, bantfu labakholwako. Manje asikhotsamise tinhloko tetfu, basalungiselela, futsi sikhulekele lawa.

<sup>111</sup> Babe loseZulwini, siyafundziswa eBhayibhelini, futsi kuneabantfu lapha labalikholwa lonkhe Livi Lolishito kutsi liliCiniso. Nkhosi, ngaletinye tikhatsi bayabhadzatela futsi babhobose embotjeni yesikhiya, ngesikhiya, bayigeje, futsi bahwaya, kodvwa bayakholwa kutsi ilapho. Bayekele nje bachubeke nekubhobosa, batoyitfola, ngoba ilapho. Nalesosikhiya sikhya lesingiso, “Uma ukholwa, konkhe kungenteka.” Njengoba lengoma ihlatjelwa manje, noma iyadلالوا.

<sup>112</sup> EBhayibhelini kuyasho kutsi, “Pawula watsatsa emtimbeni wakhe emaduku netindvwangu, wase utifumela kulabagulako nalabahlaselekile, nabomoya lababi besuka kubantfu, futsi baphiliswa.”

<sup>113</sup> Manje, Nkhosi, siyati Pawula loNgeweLe unaWe. Kodvwa, kwakungesuye; kwakunguWe, Nkhosi, Khristu kuye. “Akusimi lengiphilako, kodvwa nguKhristu lophila kimi,” washo.

<sup>114</sup> Futsi manje kulesitukulwane, Usasolo unguKhristu, namuhla, njengoba bewunjalo itolo. Futsi njengoba ngikhuleka etikwalamaduku, ngiwatsintsa, ngikhulekela kutsi Utokwehlula sonkhe sitsa. Baphe kukholwa, kutsi ubatise kutsi sitsa sehluliwe.

<sup>115</sup> Futsi ngalesinye sikhatsi, Lwandle loluBovu, njengoba nje sisandza kukhuluma ngalo, Israyeli lwalumncamulile esetsembisweni, futsi babesendzaweni yekusebentela. Nalomunye umbhali washo, kutsi, “Nkulunkulu wabuka phansi ngemehlo latfukutsele, ngaleyosNsika yeMlilo, nelwandle lwesaba lwase luvula emasango alo, futsi bahamba bewela.”

<sup>116</sup> Buka phansi, kusihlwa, ngeNgati yaJesu Khristu. Futsi kwangatsi, uma lamaduku selibekwa etikwalogulako, kwangatsi sitsa singabona kukholwa kwetfu, kusihlwa, njengoba sibakhulekela lomkhuleko wekukholwa. Futsi kwangatsi ngamunye angasindziswa, eGameni laJesu Khristu. Amen.

<sup>117</sup> Manje ngifuna kunakisisa kwenu. Noma ngabe ngubani losembhobheni etulu lapha, ungawenyusa. Ngoba, uma Moya loyiNgewe angahle ente loku... Angisho kutsi Utokwenta.

<sup>118</sup> Manje noma ngubani lota lapha futsi akutjela kutsi banemandla ekuphilisa labagulako, ungakukholwa. Emandla onkhe akuKhristu. UnguMncobi, hhayi wena nami. Semukela nje loko Lasakwentile. Akukho muntfu lonemandla ekusindzisa noma kophilisa.

<sup>119</sup> Wonkhe umuntfu eveni, linani selivele libhadelwe. Sidzingakalo sesibhadelwe. Kwabakanjani na? "Yalinyatwa ngenca yetiphambeko tetfu, ngemivimba yaYo siphilisiwe tsine." Kuphiliswa kwenu—kwenu sekubhadelwe. Insindziso yenu seyibhadelwe. Ninako kukholwa kutsi nite, nikwemukele na? Nguloko kuphela. Uma niyiNtalo ya-Abrahama, ninako. Nkulunkulu wakwetsembisa. Kukhona intfo letsite lekini letsikukhona, futsi kukhona.

<sup>120</sup> Manje yini siphiko na? Siphiko sekuphuma bese upholisa labagulako na? Cha. Siphiko sikukuhweshisa wena lucobo endleleni, kute Nkulunkulu akhone kukusebentisa.

<sup>121</sup> Manje Wakwetsembisa loko, sibonakaliso sekugcina, ngekwaJesu Khristu, "Njengoba kwakunjalo etinsukwini taseSodoma, ngaphambi nje kwekutsi ishe." Hhayi ngaphambi kwekutsi kwenteke letinye tintfo, liVangeli lashunyayelwa nguLoti, nakanjalonjalo; hhayi loko. Kodvwa ngaphambi nje kwekutsi ishiswe, Nkulunkulu weta wehla asesimeni semuntfu, futsi wahlala nelibandla lelikhetsiwe, Abrahama nelicembu lakhe, lebebanesetsembiso.

<sup>122</sup> Manje khumbulani, iNtalo ya-Abrahama nje iyakwemukela loku. "Kusesikhashana nje nelive lingeke lisaNgibona," kwasho Jesu. "Nine niyoNgibona, ngoba Ngitawuba nani, ngibe kini, kute kube sekupheleni kwemhlaba."

<sup>123</sup> Kodvwa Wetsembisa, ngaphambi nje kwekutsi Abuye futsi, "Njengoba kwakunjalo eSodoma," bukani kutsi iSodoma itfolani; bukani kutsi liBandla lelikhetsiwe litfolani, watsi, "kuyobanjalo ekubuyeni kweNdvodzana yemuntfu." Nkulunkulu wabonakaliswa esimeni semuntfu, lowo Lobekafulatsele lithende, watjela Sara kutsi wentani ngekhatsi kwelithende. Wonkhe umuntfu uyati kutsi lelo liCiniso, phakamisani tandla tenu. Loko kunjalo impela. Manje Wakwetsembisa. Sisesikhatsini sekugcina. Manje khumbulani, leyo kwakuyintfo yekugcina leyenteka, nelive lebeTive lashiswa langcongca, iSodoma, nendvodzana letsenjisawi yefika enkhundleni. Sibheke iNdvodzana letsenjisawi, iNdvodzana yaNkulunkulu.

<sup>124</sup> Naku lapho sikhona. Kwangatsi Nkulunkulu angavula emehlo enu. Angati lutfo lolunye lengingalusho. Kwangatsi Angavula emehlo enu.

<sup>125</sup> Manje Babe loseZulwini, anginalusito impela, ngisikhehle nje selubumba Lolubumbe waluhlanganisa, wase ulubeka ngephandle lapha. O Nkulunkulu, kwangatsi mine, kusihlwa, ngingaba nemusa waKho neBukhona, kute kube nguWe longasebentisa letigadla letincane telubumba Lonato ekhatsi lapha. Kutsi labo, Nkhosi, Lobabitele ekuPhileni lokuPhakadze, futsi mhlawumbe abakaKwemukeli kwamanje, kwangatsi bangatibona letetsembiso leti. Bangahle kube bafundziswe kutsi loko kwakukwalolunye lusuku, kodvwa naku kuseBhayibhelini. Kucinise, Nkhosi. Loko kukuhumusha kwaKho luCobo. Akudzingi lokungetulu kwaloko. Uma nje Utokwenta kanjalo, khona-ke batobona kutsi Livi licinisile. Siphe kona, Babe. Sitinikela kuWe.

<sup>126</sup> Akutsi wonkhe umuntfu losekhatsi lapha, Nkhosi, basebentise kukholwa kwabo, kusihlwa. Kwangatsi lonkhe lilunga leSive sa-Abrahama, ngaJesu Khristu, libe nekukholwa, kusihlwa, futsi lemukele Bukhona baKho. Futsi sitoKunika ludvumo. Amen.

<sup>127</sup> Manje, ngabe lena yi la-... Manje loku kungulokungakejwayeleki. Ngifuna ningisite manje, ningikhulekele. Hlalani nithule sibili, ningayaluki. Hlalani nithule dvu, nikhuleke.

<sup>128</sup> Manje, niyabona, kukuntjintja kusuka ebuvangelini, kuya ngale kutsi utiphumute kangangekutsi Moya waNkulunkulu angakutsatsa ngalokugewe akungenise kulelinye lizinga.

<sup>129</sup> Manje lapha kume lona lomncane... Wota ngalapha kancanyana, dzadze. Futsi nje... Loko kulungile, kute ngingasuki kulombhobho. Niyabona, angati kutsi kwentekani, niyabona, futsi-ke ngaletinye tikhatsi, niyati... Manje indlela kuphela lengikwati ngayo, kuse-kusembhobheni, niyabona, futsi batama kukubamba ngephandle lapho, futsi nje angati kutsi yini.

<sup>130</sup> Manje sitihambi lomunye kulomunye. Angikwati, angikaze ngikubone emphilweni yami. Kodvwa usemncane kakhulu impela kunami. Futsi mhlawumbe salatwa cishe sehlukene ngemakhilomitha, futsi sehlukene ngeminyaka. Lesi sikhatsi setfu sekucala sibonana. Ngabe kunjalo na? Uma kungiso, phakamisa sandla sakho kute tetsameli titobona. Manje, unguwesifazane nje lome lapha.

<sup>131</sup> Bukani, kutsatseni nikubuyisele emBhalweni. Asitsatse Johane loNgewe 4. Ngamunye wenu akufundze uma seniya ekhaya. Akusiko—akusiko kutsi lona wesifazane ungulolohlobo lwewesifazane; angati. Futsi niyati kutsi angisuye Jesu Khristu. Kodvwa Ulapha. NguYe. Manje uMoya waKhe uyasigcoba, angayembula inkhatsato yakhe, njengoba Enta kulowesifazane emtfonjeni. Intfo lefanako.

<sup>132</sup> Futsi, ngaloko, lapho baphristi nebaholi bangalolosuku, batsi, “LoMuntfu ungumbhuli, noma develi, Bhelzebule.”

<sup>133</sup> Lona wesifazane watsi, “Nkhosi, ngiyabona kutsi ungumprofethi Wena. Siyati kutsi Mesiya uyeta, naloko kuyoba sibonakaliso saKhe.”

<sup>134</sup> Manje, bangakhi labatiko kutsi lelo liciniso na? [Libandla litsi, “Amen.”—Umhl.] Yebo-ke, uma Anguye itolo, namuhla, naphakadze, leso bekungeke yini kwaba sibonakaliso saKhe kusihlwa na? [“Amen.”] Ngabe Wetsembisa kutsi kuyoba khona, ngaphambi nje kwekuphela kwesikhatsi na? [“Amen.”] Manje bonani kutsi Uyasigcina yini setsembiso saKhe eNtalweni ya-Abrahama.

<sup>135</sup> Manje uma noma ngubani ekhatsi lapha acabanga kutsi lelo liphutsa, yenyukela lapha futsi wente intfo lefanako. Uma kungenjalo, khona-ke ungasho lutfo ngako. Unenhlanhla.

<sup>136</sup> Manje, eGameni laKhristu, ngitsatsa wonkhe umoya ubengaphansi kwekulawula kwami, kuyo inkhatimulo nasekuhlonishweni kwaNkulunkulu.

<sup>137</sup> Ngitofanele nje ngikhulume nawe, umzuzwana, ntfombatane. Uyati, iNkhosi yetfu yakhuluma kulowo wesifazane emtfonjeni. Yatsi, “Nginatsise.” Yayentani na?

<sup>138</sup> Manje bukisisani, Yatsi, kuJohane loNgewe 5, “Ngicinisile, ngicinisile, Ngitsi kini, iNdvodzana,” leyo kwakungiYo, umtimba, “ngingeke ngente lutfo ngekwaMi lucobo,” kuphela njengaloko Lebona Babe akwenta. “Loko Babe lakwentako, UkuKhombisa iNdvodzana. Niyabona, Ngingeke ngente lutfo ngekhatsi kwaMi lucobo, kepha njengoba Ngibona Babe akwenta.” Ngako-ke, Jesu akatange ente ngisho namunye ummangaliso aze Nkulunkulu aMkhombise kucala ngembono; hhayi kutsi aMtjеле endlebeni yaKhe, kodvwa waMkhombisa. “Loko leNgikubonako,” hhayi kuva, “ngibone Babe akwenta.” Nguloko lokwaMenta umProfethi lonjengaMosi, njengoba kwasho Mosi. Manje ngesikhatsi Se—Sekamati Babe... Bekase...

<sup>139</sup> Bekaya eJerikho, kodvwa Bekanesidzingo sekutsi endlule eSamariya, futsi Weta edolobheni laseSikhari. Futsi manje niyabona, emaSamariya bekabheke Mesiya.

<sup>140</sup> EmaJuda lalikubhekile, futsi Wabakhombisa sibonakaliso saKhe. Filiphu, Natanayeli, Phetro, kwatsi nje masinyane lesosibonakaliso singentiwa, batsi, “Wena uyiNdvodzana yaNkulunkulu.”

Rabi watsi, “LoMuntfu unguBhelzebule.”

<sup>141</sup> Kodvwa manje khumbulani, beTive, tsine, sasingema-Anglo-Saxon, sa—sasingakabheki kwasaMesiya. Sasingemahedeni, emaRoma, kanjalonjalo. Sasingakabheki kwasaMesiya. Uta kuphela kulabo labaMbhekile.

<sup>142</sup> Kodvwa lamaSamariya bekaMbhekile, ngako Wadzingeka aye ngakuwo, enhla ngaseSamariya. Uhlala phansi emtfonjeni. Intfombi, mhlawumbe inguntsanga yenu, iyaphuma. Yayinguwesifazane lodvume kabi. Uyifundzile lendzaba, ngiyacabanga. Wase Utsi, “Mfati, Nginatsise.”

<sup>143</sup> Lowesifazane watsi, “O, akusilo lisiko kuWe, liJuda, kucela umSamariya intfo lenjalo.”

<sup>144</sup> Watsi, “Kodvwa kube bewati kutsi bewukhuluma naBani, bewuyocela kiMi emanti.”

<sup>145</sup> Ingcogco yachubeka. Ekugcineni, Watfola kutsi yayikuphi inkinga yakhe. Uyakhumbula kutsi yayiyini na? Bekenemadvodza lamanengi kakhulu. Wase utsi, “Hamba ulandze indvodza yakho, ute lapha.”

Watsi, “Angimayo.”

<sup>146</sup> Watsi, “Ushito kahle,” watsi, “ngoba bewunalahislalu, nalena lohlala nayo manje ayisiyo yakho.”

<sup>147</sup> Watsi, “Mnumzane, ngiyabona kutsi ungumprofethi Wena. Siyati kutsi Mesiya uyeta, Uyositjela letintfo leti.”

Wase Utsi, “NginguYe.”

<sup>148</sup> Washiya imbita yakhe yemanti, wagijimela edolobheni, futsi watsi, “Wotani, nibone uMuntfu Longitjele lengikwentile. Ngabe akusuye Mesiya lona na?” Bebangenaye umprofethi iminyaka lengemakhulu. Futsi nangu uMuntfu lobekatisho kutsi unguMesiya, futsi wafakaza kutsi u—ungumprofethi, futsi wakhombisa sibonakaliso saMesiya.

<sup>149</sup> Kungakwenta yini ukholwe yintfo lefanako, uma Enta intfo lefanako, Angulonguye itolo, namuhla, naphakadze, futsi wetsembise ngalemiBhalo kutsi Bekatokwenta na?

Bekungatenta yini letetsameli tikholve na? [Libandla litsi, “Amen.”—Umhl.]

<sup>150</sup> Uphetfwе yinkhatsato yetinso. Uma loko kunjalo, phakamisa sandla sakho.

<sup>151</sup> Kungani loko njalo kubuyela ebusweni bami na? Ukhona lotsi, “Ukucagelile loko.” Angikaze ngikucagele loko.

<sup>152</sup> Lapha, unguwesifazane lomuhle. Uyangikhulwa na? Manje uyati angikaze ngikucagele loko. Ake ngisho leny’intfo letsite. Umyeni wakho unawe. Uyagula, naye. Akaguli na? Simo semgogodla. Kunjalo. Akunjalo na? Unemfana lomncane lokanye nawe. Uyagula, naye. Ufuna akhulekelwe. Unalokutsite lokungalungi emehlwani akhe. Kunjalo. Unentfombatane lencane lenawe, inekukhatsatwa tinsو, njengawe. Ngabe kunjalo na? Manje nonkhe ningaphila, uma nitokholwa. Uyakukholwa na? Nkulunkulu akubusise. Hamba ngendlela yakho futsi uphile.

<sup>153</sup> Niyakhholwa na? [Libandla litsi, "Amen."—Umhl.] Unguye itolo, namuhla, naphakadze. Kuyini na? Utama Kwentani na? Kini, Ntalo ya-Abrahama, Uyanikhombisa kutsi Akafi. Ngingeke ngatenta letotintfo. Akafi. Kodvwa Ungulophilako, anikhombisa kutsi ninelilungelo lekuncoba emasango esitsa senu. Loko kufanele kukucatulule.

<sup>154</sup> Lodzadze, wota ngalapha, umzuzwana nje. Silapha nje, ndzawanatsite eminyakeni lefanako, ngiyacabanga. Kodvwa si—sitihambi lomunye nalomunye, ngekwati kwami. Angikwati, futsi sitihambi. Angati lutfo ngawe. Uma loko kunjalo, phakamisa sandla sakho, uyabona. [Lodzadze utsi, "Kunjalo."—Umhl.] Labanye nje babo bakunika likhadi lekukhulekelwa, futsi ulapha. Kulungile. Manje uma iNkhosi Jesu...

<sup>155</sup> Uma mine, mhlawumbe, asitsi bengitama kutsatsa indzawo yeMnaketfu Oral Roberts, noma lamanye alawo ndvodza ledvumile yekukholwa, bengiyotsi, "Dzadze, yini lengalungi ngawe?"

<sup>156</sup> Bewutotsi, "Yebo-ke, ngine *kutsi-nekutsi*." Manje, angahle angasho lona liciniso. Niyabona na? Angati. Niyabona na? Kodvwa, yena, unghale umtjele kutsi yini lengalungi.

<sup>157</sup> Bekayobeka tandla etikwakho, atsi, "Nkulunkulu wangitfumela ku—kutsi ngikhulekele labagulako. Uyakukholwa loko na?" "Yebo." "Ludvumo kuNkulunkulu! Hamba, ukukholwe."

<sup>158</sup> Kulungile. Kulungile. Nkulunkulu wakwetsembisa loko. Kodvwa, uyabona, siphila etulu ngalokuchubekela embili kancane etulu e—elusukwini kunalolo. Jesu wetsembisa, "Njengoba kwakunjalo emihleni yaseSodoma. Lemisebenti lengiyentako Mine nani nitoyenta."

<sup>159</sup> Manje uma Nkulunkulu angangitjela kutsi bewunani, uyati kutsi ngabe loko kuliciniso noma cha. Angakutjela kutsi uyoba yini. Futsi uma loko kuliciniso, loku kutoba liciniso, nako. Uma Akutjela, noma yini, angati; kodvwa uma Atongitjela kutsi yini inkhatsato yakho.

<sup>160</sup> Nitokukholwa, nani, tetsameli na? [Libandla litsi, "Amen."—Umhl.]

<sup>161</sup> Impela ngifanele ngime. Loko kanye, lowomuntfu lobekalapha esikhshaneni lesendlulile, loko bekufanele kukucinise. Jesu wakwenta kanye. Akatange akwente ngetulu kwakunye. Wonkhe umuntfu eSikhari wakukholwa, wakholwa bufakazi balowesifazane, ngesikhatsi efika, wabatjela, futsi bekanguwesifazane lodvume kabi. UmKhristu usandza kusuka langembili nje, embikwenu nonkhe! Amen. Kodvwa ngekutsi sikhatsi sesihambile kunalelesikucabangako, kwangatsi iNkhosi ingachubeka kutsi Itifikazele, lomkhulu, uMncobi lonemandla, kutsi iNtalo ya-Abrahama... Kodvwa njenga-Abrahama,

Wakwentela Abrahama, kanye; wase-ke uyakubhubhisa loko, wase uyakwenta futsi. Abrahama ngalokuchubekako kukholwa nguNkulunkulu.

<sup>162</sup> Awukatiteli wena lapha. Utele lomuny'umuntfu, futsi ungudzadze. Ngudzadzewenu. [Lodzadze utsi, "O Nkhosi!"—Umhl.] Nalodzadze usibekelwe litfunti lekuifa. ["Hhe!"] Futsi uphetfwе si—sifo sashukela. ["O!"] Futsi akasuye walapha. ["Cha."] Uvela e...Uvela eLouisiana, live lelinemachaphoti. ["O, o, o!"] Loko...Futsi nayi lenye intfo, kute tetsameli tikwati loku. Unendvodzakati legula sibili, lehlose kwetsamela lomhlangano, futsi inesitfutfwane. ["O, o, o!"] Liciniso lelo. Liciniso lelo. Akusilo na? ["O!"] Uyakholwa manje na? ["Yebo. Amen."] Uma uyiNtalo ya-Abrahama, kwemukele futsi uphume uhambe, ["Nkhosi yami! Nkhosi yami!"] futsi uphiliswe eGameni laJesu Khristu.

<sup>163</sup> Niyakholwa na? [Libandla litsi, "Amen."—Umhl.] Impela. Khumbulani, setsembiso saKhe. Watsi Uyokwenta. Uyasigcina setsembiso saKhe.

<sup>164</sup> Sawubona? Sitihambi lomunye kulomunye. Angikwati. Kodvwa Nkulunkulu uyakwati. Uyakholwa uma Nkulunkulu angembula kimi inkhatsato yakho, khona-ke uyati kufanele kuvele emandleni akamoya latsite. [Lodzadze utsi, "Kunjalo."—Umhl.] Manje, kunetintfo letimbili kuphela lokungavela kuto, lobewungatibona ngekuticabangela. Uma kwentiwa, kungaleya kwekuchaza, ngoba kuyingcayizivele. Kantsi, futsi, kuyimphicabadzala; intfo letsite, yebo-ke, kungulokungenangcondvo, kepha noko kuliciniso. Bekungaba yimphicabadzala. Futsi manje sewuyakwati, kutsi kuliciniso yini noma cha, utokwati kutsi ngabe Ukutjele liciniso.

<sup>165</sup> Manje, khumbula, angikwati. Kufanele kube ngulomuny'uMuntfu ngaphandle kwami. Uma wenta njengebaFarisi, futsi batsi, "O, ngumoya lomubi," khona-ke unalowomvuzo. Uma ukholwa kutsi nguKhristu, unemvuzo waKhe. Sizatfu sekutsi ukhone kukukholwa, ngoba Wakwetsembisela lolusuku, futsi akukaze kube khona kusukela ngalesosikhatsi kuze kube ngulesi. Loku kukwenta kube sikhatsi sekuphela.

<sup>166</sup> Kukhona umuntfu losolo achamuka phambi kwakho, ngaso sonkhe sikhatsi. Yindvodza, inenhloko lemphunga. Ngumyeni wakho. [Lodzadze utsi, "Yebo."—Umhl.] Uhleti khona lapho. Utama kwemukela kuphiliswa kwakhe, angulosibekelwe litfunti lemmlavuza, losalitfumba, umdlavuza. Unenkhatsato yetinso, inkhatsato yenyongo. ["Yebo."] Ningumnumz. naNkkt. Little. ["Singibo."] Ngabe kunjalo na? ["Yebo."] Kholwani ngayo yonkhe inhlitiyo yenu, futsi niphiliswe.

<sup>167</sup> "Utsi lakhe, ligama labo?" Ngani, impela. Jesu akamtjelanga yini Phetro, "Ligama lakho unguSimoni, indvodzana yaJonase"?

<sup>168</sup> Nayi indvodza. Sitihambi lomunye kulomunye, mnumzane. Angikwati. Kodvwa uyindvodza, njenga—njengaPhetro eta eNkhosini Jesu, sihlangana ndzawonye. Uyangikhola kutsi ngiyinceku yaKhe na? Uyakhola kutsi lelengikushito kuliciniso? [Lomnaketfu utsi, “Yebo, mnumzane. Ngiyakhola, mnumzane.”—Umhl.] Uma ungakukholwa! [“Yebo, mnumzane.”] Mine, uma kukhona noma yini lebengingakwentela yona, bengingayenta, kodvwa akukho lengingakwenta. Sewuvele ukwentile; kuyintfo nje kukwenta kutsi uyikhewe. Futsi, uyabona, bekungeke kwaba ngimi. Kube bekungimi, benginga—bengingakwentela konkhe lebengingakwentela kona. Kodvwa Wangipha siphiko, futsi nje ngiyakhululeka embikwaKhe, futsi nguYe lokhulumako. [“Kunjalo. Yebo, mnumzane.”] Uyakukholwa loko na? [“Yebo.”]

<sup>169</sup> Niyakukholwa loko, tetsameli na? [Libandla litsi, “Amen.”—Umhl.]

<sup>170</sup> Bengifuna kutfola indvodza. Unetintfo letinengana lettingalungi kuwe. Kodvwa lenye yaletintfo ngulena, unesimila esweni lakho langesekudla. Nguleyo inkhatsato yakho lenkhulu. Nayi lenye intfo, kunewesifazane losolo aphe’kuvela lapha. Ngumkakho. Uyakhola kutsi Nkulunkulu angangitjela kutsi yini lengalungi ngemkakho lapha na? Inkhatsto yakhe isemlonyeni wakhe. Ngematinyo akhe. Kunjalo. Uyakhola kutsi loJesu lofanako, Lowati kutsi Simoni Phetro bekangubani, angangitjela kutsi wena ungubani na? [Lomnaketfu utsi, “Yebo.”—Umhl.] Loko bekungakwenta yini ukholwe kakhulu na? [“Yebo, mnumzane.”] Bekungakwenta na? [“Yebo.”] Oscar Barnes. [“Kunjalo.”] Ngabe kunjalo na? Hamba ngendlela yakho uye ekhaya, uphiliswe.

<sup>171</sup> [Akucoshwanga etheyiphini—Umhl.]...sihambi kuwe. Angikwati, kodvwa Nkulunkulu uyakwati. Uyakhola kutsi Unemandla ekungitjela kutsi yini inkhatsato yakho na? Ungakukholwa ngenhlitiyo yakho yonkhe na? Inkhatsato yakho ingasemphinjeni wakho, nasesifubeni sakho lapha. Ku—kudleka kwelitsambo. Utfola tigadla, lokufana nato, nemaguludla ngekhatsi kwesakhiwo selitsambo. Kunjalo. Awusuye walapha. Use—sedolobheni lelinetingadze tetihlahla temawolintji letilitungelete lonkhe. Lakhe esigodzini, netintsaba letibonakala tiphakeme emvakwalo. Kunelihhotela lelitsiwa yi Antlers. YiSan Bernardino. Uwalapho ke. Buyela emuva, Jesu Khristu uyakusindzisa, uma utokukholwa.

<sup>172</sup> Yinye kuphela intfo lengelapha umdlavuza, lowo nguNkulunkulu. Uyakhola kutsi Utokuphilisa na? [Umnaketfu utsi, “Ngikhola impela.”—Umhl.] Kukholwe! Hamba, futsi kwangatsi iNkhosi Nkulunkulu ingakwenta kutsi uphile kuko konkhe nalokungakabhekeki.

<sup>173</sup> Madvute nje bewungaphandle kwe-... nekwetfuka ngalokwendlulele, ugula impela. Ngalokwetfuka, sisu sakho sesingene esimeni. Awukwati kutsi ugaye kudla kwakho; kukhuphukela emlonyeni wakho. Yi esidi yonkhe emlonyeni wakho. Uma sekungusentsambama kakhulu, utfola kucobeka impela nako konkhe. Unesilondza etfunjini esiswini sakho. Uyakholwa kutsi lowo nguJesu Khristu longakutjela loko na? [Dzadze utsi, “Yebo.”—Umhl.] Hamba udle kudla kwakho kwakusihlwa, ke. Kholwa ngenhlitiyo yakho yonkhe, Jesu Khristu uyakusindzisa.

<sup>174</sup> Sawubona? Tinengi tintfo letingakalungi. Kodvwa yinye yetintfo loyesabako, utokhubatwa sifo sematsambo. Kodvwa uyakholwa kutsi Nkulunkulu utokuphilisa, akwente usindze kuso na? [Lodzadze utsi, “Yebo.”—Umhl.]

<sup>175</sup> Nkhosi Jesu, ngikhulekela kutsi Utokupha dzadzewetfu. Umniye kutsi abone. Susa inkhatsato yadzadze kuye, futsi umsindzise esifeni sematsambo, eGameni laJesu. Amen.

<sup>176</sup> Hamba manje, ukholwa. Utokwenta, futsi kutolunga. Ungangabati, chubeka nje uhambe, futsi ukholwe ngenhlitiyo yakho yonkhe.

<sup>177</sup> Kuphatfwa yinhliyiyo kuyintfo lembi kabi, kodvwa Khristu uyayiphilisa inhlitiyo. Uyakholwa loko na? [Lodzadze utsi, “Yebo.”—Umhl.] Hamba, kukholwe, futsi konkhe kutokwentiwa. Sekuphelile.

<sup>178</sup> Uyakholwa kutsi utokhubateka kwenyuke na? Cha, angicabangi kanjalo, nami. Umcabango wami, sifo sematsambo; lelotfunti lapho, o, lowo ngumdlavuza. [Lodzadze utsi, “O, o!”—Umhl.] Uyakholwa kutsi Utowuphilisa na? [“Yebo, ngiyakholwa.”] Hamba, ukukholwe. Utokusindzisa.

<sup>179</sup> Bekukuhlupha, sikhashana lesincane impela, kuvimbeka enhlitiyweni. Kodvwa uyakholwa kutsi kutophela, kusihlwa na? Hamba, ukukholwe, Jesu Khristu uyakusindzisa.

<sup>180</sup> Bekuyinkhatsato lencane, enkhatsatweni yebesifazane, sikhatsi lesidze. Bese-ke, wena u, unesikhatsi lesimatisima kuvuka ekuseni. Ubophekile, etitfweni takho. Kumatisima kutsi uhambe, kuze kube semini, kwasikhatsi. Sifo sematsambo. Hamba, ungangabati, ungeke usaphindza ube naso. Kukholwe nje, ngenhlitiyo yakho yonkhe.

<sup>181</sup> Unetintfo letinengana, tifo letelakanyanako. Kodvwa intfo yinye lekuhlupha kabi kakhulu, nawe ucabanga ngesifo sematsambo, lokukutsi ngiso, siyakukhubata kwenyuke. Uyakholwa kutsi Utokwenta uhambe futsi usindze na? [Dzadze utsi, “Yebo, mnumzane.”—Umhl.] Hamba, ukukholwe ngenhlitiyo yakho yonkhe, Jesu Khristu utokusindzisa.

<sup>182</sup> Inhlitiyo lenekwetfuka, nesifo sematsambo, kodvwa uyakholwa kutsi Nkulunkulu utokusindzisa na? Uyakholwa? Hamba, futsi kwangatsi iNkhosi Jesu ingakusindzisa.

<sup>183</sup> Lesosisu impela sikunike incumbi yenkhatsato eminyakeni lembalwa leyendlulile, asikunikanga na? Ngeke sisaphindza. Hamba, kukholwe. Nkulunkulu akubusise. Philiswa.

<sup>184</sup> Ungaba njalo, nawe, sisu sakho sesiphilisiwe. Hamba, ukholwe ngenhlitiyo yakho yonkhe. Ungangabati.

<sup>185</sup> Unesikhatsi lesimatima sekuphefumula, lesosifuba semoya lesidzala sikwehlisa impela. Asikwehlisi na? Uyakholwa kutsi sitophela manje na? [Umnaketfu utsi, “Yebo.”—Umhl.] Kulungile, hamba kukholwe. Amen.

<sup>186</sup> Haleluya! Niyakholwa ngenhlitiyo yenu yonkhe na? [Libandla liyajabula—Umhl.]

<sup>187</sup> Umzuzwana nje. Awukuboni loko kuKhanya lapho na? Lodzadze lomncane lolikhatalsi longibukako, lohleti phansi khona lapha, unesigadla eluhlangotsini lwangesencele salo. Unenkhatsato yetinso, tifo letelakanyanako. Ube nekukholwa lokunengi. Awudzingeki kutsi ukhuphukele lapha. Sekuphelile. Kukholwe nje. Amen. Bani nekukholwa kuNkulunkulu!

Niyakukholwa loko na? [Libandla litsi, “Amen.”—Umhl.]

<sup>188</sup> Uyakholwa, dzadze, utokwendlula kuleyonkhatsato yemgogodla, uhleti lapho na? Uyakholwa kutsi Utokusindzisa na? Kulungile. Ungakungabati nje, futsi ungaba nako uma nje utokukholwa.

<sup>189</sup> Lendvodza lehleti lapha, lengibukako, iguliswa yinkhatsato yesifo sekuwa, ivuka ebusuku netintfo. Uyakholwa, mnumzane na? Kutophela, ke, uma ukukholwa.

<sup>190</sup> Lapha kuhleti indvodza lelikhalatsi ihleti ngalapha, ingibuka. Iphetfwe sifo sekuwa. Ifuna futsi umbhabhatiso waMoya loyiNgcwele. Sukuma ume ngetinyawo takho, mnumzane, wemukele kuphiliswa kwakho. Kwangatsi Nkulunkulu angakupha umbhabhatiso waMoya loNgcwele. Amen.

<sup>191</sup> Lohleti ngesheya ngco kusuka kuwe, kukhona umntfwana lohleti ngalapho, lonesifo sekuwa naye, utsi kuculekiswa malumbo, ahleti khona lapho, ngale kulelinye luhlangotsi. Uyakholwa kutsi Nkulunkulu utomsindzisa lomntfwana, lapho na? Uyakholwa ngenhlitiyo yakho yonkhe na? Khona-ke Nkulunkulu utomphilisa lomntfwana.

<sup>192</sup> Niyakholwa, nonkhe na? [Libandla litsi, “Amen.”—Umhl.] Aku—aKasiyo yini, Akasiyo yini impela iNtalo ya-Abrahama yebuKhosi na? [“Amen.”] Akasuye yini uMncobi lonemandla na? [“Amen.”] Ngabe Wetsembisa yini kutsi beniyoncoba emasango esitsa na? [“Amen.”]

<sup>193</sup> Bangakhi kini lababoshiwe, labeva kubandzelwa sitsa na? Phakamisani tandla tenu, kutsi niva kubandzelwa sitsa. Futsi niyiNtalo ya-Abrahama, phakamisani tandla tenu kanjena. Nitsi, "Mnaketfu Branham, ngihihluhwa kwefufu." O, kukhona cishe emaphesenti langemashumi lasiphohlongo enu leninaloko. Ake nisho, ngi... Kuhlangene kakhulu nje manje, sonkhe sicuku siya nje ngekuba njengenkhungu lenkhulukati, sicashe impela singente ngiphumphutseke, khona lapho nikhona.

<sup>194</sup> Aniboni, kutsi lapha emashumi lamabili noma emashumi lamatsatfu, mhlawumbe, kugula, noma ngetulu, khona lapha ngembili nakhona lapho kuletotetsameli, kutsi Nkulunkulu akehluleki na? NguJesu Khristu longuye itolo, namuhla, naphakadze. Niyakukholwa loko na? [Libandla litsi, "Amen."—Umhl.] Pho kungani kungenteki, yonkhe iNtalo ya-Abrahama, anisitsatsi ngani sikhya manje na? UMncobi lomkhulu, lowanincobela kona, ulapha. Sewufakazile kutsi ulapha. NiyaMkholwa na? ["Amen."]

<sup>195</sup> Manje-ke tsatsani sikhya senu sekukholwa, nifinyelele etulu ngetandla tenu, bese nitsi, "Jesu Khristu, ngiyakukholelwa kuphiliswa kwami, khona manje." Sukumani nime ngetinyawo tenu. Phakamisani tandla tenu, vulani ngesikhiya kukholwa kwenu manje. "Ngiyakholwa, Nkhosi Jesu. Ngiyakholwa khona manje."

<sup>196</sup> Manje bekani tandla tenu etikwalomunye nalomunye. Bekani tandla tenu tivundle etikwalomunye nalomunye, lenye iNtalo ya-Abrahama. Manje khulekela lowomuntfu. Nibeke tandla tenu etikwabo. Jesu watsi, "Letibonakaliso leti tiyobalandzela labakholwako. Uma babeka tandla tabo etikwalabagulako, batosindza."

<sup>197</sup> Sathane, seyikwehlulile lemphi. NgeliGama laJesu Khristu, phuma lapha, futsi uyekete labantfu laba bahambe, nganca yenkhatimulo yaNkulunkulu.



*KHOKHO ABRAHAM* SSW64-0207  
(The Patriarch Abraham)

LoMlayeto ngeMnaketfu William Marrion Branham, kwekucala wetfulwa ngesiNgisi ngaLesihlanu kusihlwa, ngenyanga yeNdlovana 7, 1964, eKern County Fairgrounds eBakersfield, eCalifornia, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa neSiSwati kwakhicitwa kwakhishwa yiVoice Of God Recordings.

SWATI

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)